

— ١٦٧ —

صانع في هذه البقاع .. لا بيت ولا فندق ولا حتى بلدة .. ولم
أفكر طويلا فقد أنقذني صوت خلفي يصيح :
— تفضل يا سعادة النائب !..

فالتفت ، وإذا هو حاجب النيابة في انتظارى ، أقبل نحوى
وثناول من يدى الحقيبة .. فابتدرته قائلا :
— الحقنى !.. أنا فين ؟.. احنا فين ؟...
— فى فارسكور يا بيه ..

— فين هى فارسكور ؟.. الكشك ده !..
— لا مؤاخذه يا بيه ؟.. هنا المحطة .. لكن البلد هناك على
مدى الشوف ، فى البر الثانى .. لازم نمشى أو نركب ركوبة ..
وبعد كده نعبّر النيل فى قارب .. وبعدين نمشى مسافة ..
— وليه كده المحطة مخاصمة البلد ؟..
— مصلحة السكة الحديد ..

— ما علينا .. وصلنى بأى طريقة ..
ووصلنا إلى استراحة النيابة فى بلدة فارسكور .. ونظرت إلى
الحجرة التى سأقيم فيها ، وإلى الفراش الذى سأنام عليه ..
وصحت .. مستحيل !..